

- i. Skráðum bændum utan þéttbýliskjarna er heimilt að halda einn hund án greiðslu leyfisgjalds og einnig er heimilt að halda viðurkennda veiðihunda án greiðslu leyfisgjalds. Um þá gilda að öðru leyti öll ákvæði samþykktar þessarar, þar með talin tryggingar- og hreinsunarskylda.

3. gr.

Við brot á skilyrðum skv. 2. gr. skal fjarlægja viðkomandi hund. Skal honum komið fyrir sé um minniháttar brot að ræða í fyrsta skipti. Eiganda hunds er skylt að leysa hann þaðan út gegn greiðslu alls kostnaðar vegna brotsins. Sé um að ræða alvarleg eða ítrekuð brot, afturkallast viðkomandi leyfi til hundahalds.

Sé hunds ekki vitjað innan tveggja daga frá því að eiganda var tilkynnt um handsömun hans má aflífa hundinn, enda sé eiganda gert ljóst hvað vanræksla á að vitja um hundinn getur haft í för með sér. Hreppsyfirvöldum er aldrei skylt að geyma skráða hunda lengur en tíu daga frá handsömun og er heimilt að aflífa hundinn að þeim tíma liðnum. Kostnaður greiðist af eiganda.

Hættulega og óleyfilega hunda og þá hunda sem ganga lausir utanhúss, skal handsama og færa í geymslu. Heimilt er að lóga hættulegum hundum þegar í stað, af þar til kvöddum yfirvöldum.

Handsömun á óskráðum hundi skal auglýsa tryggilega, t.d. í útvarpi eða blöðum. Sé hunds ekki vitjað innan tíu daga má aflífa hann. Komi síðar í ljós hver átti hundinn má krefja hann um greiðslu kostnaðar. Sveitarstjórn er hvenær sem er heimilt að afturkalla leyfi fyrir einstökum hundum eða öll veitt leyfi, telji hún þess þörf.

4. gr.

Brot gegn samþykkt þessari, eða reglum settum skv. henni varða sektum, nema þyngri refsing liggji við að lögum. Með mál út af brotum á samþykkt þessari skal fara að hætti opinberra mála og í samræmi við VI. og VII. kafla laga nr. 81/1988, um hollustuhætti og heilbrigðiseftirlit.

5. gr.

Ofangreind samþykkt sveitarstjórnar Biskupstungnahrepps staðfestist hér með skv. 22. gr. laga nr. 97/1990, um hollustuhætti og heilbrigðiseftirlit, sbr. 1. gr. laga nr. 7/1953, um hundahald og varnir gegn sullaveiki, til þess að öðlast gildi þegar við birtingu.

Heilbrigðis- og tryggingmálaráðuneytið, 17. september 1991.

Sighvatur Björgvinsson.

Ingimar Sigurðsson.

GJALDSKRÁ

fyrir hundahald í Biskupstungnahreppi.

1. gr.

Upphæð leyfisgjalds skv. b staflið 2. gr. samþykktar um hundahald í Biskupstungnahreppi frá 16. september 1991 skal vera kr. 5 000,00 á ári. Gjaldldagi er 1. mars og eindagi 1. júní. Heimilt er að innheimta vanskilavexti á gjalddaga hafi greiðsla ekki farið fram á eindaga.

2. gr.

Ofangreind gjaldskrá sveitarstjórnar Biskupstungnahrepps staðfestist hér með skv. 22. gr. laga nr. 97/1990, um hollustuhætti og heilbrigðiseftirlit til að öðlast þegar gildi.

Ákvæði til bráðabirgða.

Gjalddagi leyfisgjalds skv. 1. gr. verður á árinu 1991 1. október og eindagi 1. nóvember. Upphæð leyfisgjalds á árinu 1991 skal vera kr. 2 000,00.

Heilbrigðis- og tryggingamálaráðuneytið, 17. september 1991.

Sighvatur Björgvinsson.

Ingimar Sigurðsson.

GJALDSKRÁ

fyrir hundahald í Kópavogi á árinu 1991.

1. gr.

Árgjald vegna hundahalds, sbr. stafl. c í 3. gr. samþykktar nr. 257/1988, um hundahald í lögsagnarumdæmi Kópavogs, skal vera kr. 7 000,00. Gjaldið greiðist óskipt fyrir allt tímabilið eigi síðar en á eindaga sem er 1. október 1991. Dráttarvextir reiknast frá eindaga.

2. gr.

Við handsömun hunda skv. 2. gr. samþykktar nr. 257/1988, skal hlutaðeigandi greiða allan kostnað sem af því leiðir.

3. gr.

Ofangreind gjaldskrá bæjarráðs Kópavogs staðfestist hér með skv. 22. gr. laga nr. 97/1990, um hollustuhætti og heilbrigðiseftirlit með ofangreindum gildistíma.

Heilbrigðis- og tryggingamálaráðuneytið, 17. september 1991.

Sighvatur Björgvinsson.

Ingimar Sigurðsson.

AUGLÝSING

um staðfestingu á breytingu á aðalskipulagi Kópavogs 1988–2008.

Ráðuneytið hefur í dag staðfest þá breytingu á aðalskipulagi Kópavogs 1988–2008, að landnotkun á vesturhluta svokallaðs Heiðavallarsvæðis, sem afmarkast af Melaheiði, Tunguheiði, Lyngheiði og Efri-Víghólum breytist úr íbúðabyggð og opnu svæði til sérstakra nota í stofnanasvæði (kirkjulóð) og opið svæði til sérstakra nota (sparkvöllur, leiksvæði og trjáræktarsvæði). Norðurhluti Gagnheiðar er felldur niður.

Breyting þessi hefur verið samþykkt af bæjarstjórn Kópavogs og Skipulagsstjórn ríkisins og hefur að öðru leyti hlotið þá meðferð, sem áskilin er í skipulagslögum nr. 19/1964.

Umhverfisstofnun, 16. september 1991.

F. h. r.

Páll Línal.